

## ЮПИТ АТУТҢИТ, САЮТҢИТ

Кагам қулигамсукакет атутыт, саютыт. Укйбуагның полъаситумат нувуқахмит. Илет атуситумат, илет саюсигитумат.

Августыми игалуми қенұхсаўхтақа мулулуни илини. Пиниҳқаўхтақнаку силъа, сали келималуку қафсит ют сайигўакут силъами манихсақыңами аҳпакугвигми. Никутакут нувуқахмит полъасинақнилуки, касугатакут лъыган таўа-вык. Агнат аглукатың тақнақлъуки полъасияхлъықылытың. полъасеқылгит гўаникууюхқылуку-лъу. Пиниҳқаның гутысхальтың полъасиягатакут. Ют-ам, нукальпет қыҳсулгеның гутысхальтың. Агнат нальогруинальтың. Ют-ам камыгакут ынлықналгеның амта.

Калъыхсималуки ют, атухтыт қангутакут натылнуқ атун сивулихқутыкыяхқат. Саятың ют ныңухтакет, мысахтакет. Сивукуль сукетырагалътың анпыхтакат атун, таўхкын наңыкатаққан саятың кулмун маюхтакет, атугакут анлитун. Сивукуль тухумигакут, путурагакут. Таўхкын саюгакут қафсилътың, малгультың. Иллини агнақ ынкам юк. Қалояхтакут атыгақната қаханкыхтат. Накын ипа агехтулгит никугнакут. Йырат айъпитңаның атугақната атухтыт. Қынгўат қалояхтақнамың атыгакут аңукагат, ағыльқоғат.

Қаханкыхсимат Тутоя, Палахун, Тымнагун, Рахтыңаун, Қыҳсук, Кымлиңа, Имақлъық, Хушеун ынкам илет.

Ют акулңиның – Синаңик, Тыңетегын, Умқа, Ияйын, Хальхаегын, Атуйик, таўхкын анлинҳагның қаханкыхимат Яков Тагъёк, Тулукақ, Тевельтегын, Эмутегын, Борис Тңаун, Аңқаун.

Матыми нунани лъыган полъасильтыңқақуқ. Ыглыгусильтыңокут Мылаткын, Тагъёк, Семен Эмутегын, Акукын. Пинитун аглулъхакун Маргарита Глухих тунумат «Знак Почета», «Эргыпы аглухтыңа РФ».

Нувуқами саютыт, атутыт амалькам лъықа ыйъутыкумет юпит.